


Kasayorang Pangtulunghaan Alang Sa Mga Ginikanan ug Tigbantay



Ang Pang-estadong Departamento sa Edukasyon sa Hawaii komitado sa paghatag og luwas nga palibot alang sa mga tinun-an, kawani, ug mga bisita. Nakiglambigit kami sa nasodnon, estadohanon, ug lokal nga nga opisyal sa kaluwasan sama sa Kapolisan, Kabomberohan, Pang-emerhensiyang Pag-alagad Medikal, Kadumalahang Ahensiya sa Emerhensiya ug Departamento sa Kahimsog sa pagpiho nga ang among mga tulunghaan andam kaayo sa panahon sa emerhensiya.

Matag tulunghaan nagahimo og mga pagbansay sa tibuok tuig tingtungha sa pagtabang sa mga tinun-an ug kawani nga andam sa posibleng emerhensiya.

Buhatan sa mga Pasilidad sa Tulunghaan ug Pagpaluyo nga Pag-alagad/Kaluwasan, Kasegurohan, ug Sanga alang sa Kaandam sa Emerhensiya.

Departamento sa Edukasyon • Estado sa Hawaii • RS 09-1795 • April 2009

Unsaon Mo Pagtabang

MAGMAANDAM SA EMERHENSIYA SA TULUNGHAAN

- Pihoa nga husto ug labing bag-o ang kasayoran sa kontak sa imong anak.
- Tanang tulunghaang DOE adunay han-ayng plano alang sa emerhensiya ug dunay paagi alang sa panaghiusa sa ginikanan/tigbantay sa higayon sa pagbakante sa tulunghaan.

SA HIGAYON SA EMERHENSIYA SA TULUNGHAAN

Bisan kon ang una mong reaksiyon mao ang pagtawag ug pag-adto sa tulunghaan sa imong anak, palihog sunda ang paagi nga gitali sa ubos.

- AYAW pagtawag kun pag-adto sa tulunghaan sa imong anak. Ang mga linya sa telepono ug kawani gikinahanglan alang sa paningkamot sa pagtubag sa emerhensiya.
- AYAW tawgi ang imong anak. Ang mga kawani ug tinun-an wala dasiga paggamit sa ilang selpon alang sa komunikasyon tungod sa rason sa kaluwasan.
- Paminaw sa imong lokal nga TV/Radyo alang sa opisyal nga balita sa tulunghaan.
- Maoy saligi ang opisyal nga kasayoran gikan sa tulunghaan ug pangpublikong opisyal sa kaluwasan.
- Paminaw sa opisyal nga kasayoran kabahin sa pakighiusa sa imong anak. Ang mga bata buhian LAMANG ngadto sa mga ginikanan/tigbantay nga nadokumento isip kontak sa emerhensiya ug makapakita og hinulagwayang kailhanan sama sa lisensiya sa pagmaneho, kailhanang militar kun pasaporte.
- Adtoa ang websayt sa DOE: doe.k12.hi.us alang labing bag-ong kasayoran sa emerhensiya.

Termino ug Paagi sa Kaluwasan

Sa higayon sa emerhensiya sa tulunghaan sa imong anak, mahinungdanon nga masayran kining mga termino:

PANGANDADO

Ang pangandado mahitabo kon may sulodnon ug gawasnong hulga nga mapiho ang tulunghaan. Kandadohan ang tanang pultahan ug ang mga tinun-an paestaron sa mga lawak-klasehan. **Walay pasudlon ug pagawson sa tulunghaan hangtod nga ikapahibalo ang signal nga “ang tanan luwas na”.**

TAGOANAN SA LUGAR

Ang mga tinun-an mopasalipod sa napihong lugar aron pagpanalipod kanila sa kuyaw nga mga butang kun daotang panahon. **Walay pasudlon ug pagawson sa tulunghaan hangtod nga ikapahibalo ang signal nga “ang tanan luwas na”.**

PAGBAKWET

Pipila ka mga emerhensiya magpugos sa mga tinun-an ug kawani sa pagbiya sa tulunghaan. Ang pagbakwet pagahimoon kon dili na luwas sa pagpabilin sa sulod. Ang tanang tulunghaan adunay bakwetang mga lugar ug magpahigayon og pagbansay matag tuig. Sa higayon nga ang emerhensiya magpadayon ug ang mga tinun-an dili na makabalik sa sulod, mahitabo ang panaghiusa sa mga ginikanan kun tigbantay. Palihog hanasa ang paagi sa pakighiusa sa imong tulunghaan.